

**MESYUARAT KETIGA, PENGGAL KEDUA,
PARLIMEN KEEMPAT BELAS
PEMBERITAHUAN PERTANYAAN
DEWAN RAKYAT MALAYSIA**

PERTANYAAN : BUKAN JAWAB LISAN

**DARIPADA : DATUK DR. HASAN BIN BAHROM
[TAMPIN]**

SOALAN

minta **MENTERI PEMBANGUNAN LUAR BANDAR** menyatakan apakah langkah yang telah dilakukan oleh Kementerian untuk memastikan masyarakat luar bandar lebih peka dan mengikuti peredaran Revolusi Industri 4.0, dan bagaimana Kementerian memastikan kesenjangan ekonomi antara masyarakat desa dan bandar ini dapat diselaraskan.

JAWAPAN

Tuan Yang di-Pertua,

1. Pembangunan modal insan luar bandar merupakan salah satu agenda utama Kementerian Pembangunan Luar Bandar (KPLB). Ini dapat dilihat melalui Dasar Pembangunan Luar Bandar 2030 (DPLB) yang telah dilancarkan pada 27 Jun 2019 yang lalu, di mana pembangunan modal insan dijadikan salah satu daripada 10 teras utama DPLB.
2. Salah satu strategi yang digariskan di bawah Teras Modal Insan, DPLB adalah untuk melengkapkan masyarakat luar bandar dengan kemahiran yang diperlukan untuk Revolusi Industri Keempat.

NO. SOALAN : 105

3. Dalam hal ini, KPLB sedang meneliti beberapa langkah dan cadangan program baharu untuk dilaksanakan yang akan menyediakan masyarakat luar bandar termasuk di Sabah dan Sarawak untuk menghadapi IR 4.0.
4. Di antara langkah yang digariskan adalah mengadakan sesi sebar luas mengenai IR4.0 kepada masyarakat luar bandar serta mengadakan latihan termasuk secara *e-learning* untuk menyiapkan penduduk luar bandar bagi menghadapi IR4.0.
5. Kualiti pendidikan di institusi TVET di bawah KPLB juga akan ditingkatkan supaya bersedia menghadapi keperluan IR4.0 termasuklah dari segi tenaga pengajar, modul pembelajaran/ latihan serta peralatan. KPLB juga akan meneliti cadangan kerjasama dengan pihak swasta untuk memberi pendedahan terutamanya kepada usahawan belia luar bandar bagi meningkatkan persediaan untuk menghadapi IR4.0.
6. Selain itu, selaras dengan objektif Teras Prasarana, DPLB 2030 bagi penyediaan prasarana yang lengkap di luar bandar, KPLB akan bekerjasama dengan Kementerian Komunikasi dan Multimedia Malaysia bagi menyediakan infrastruktur yang bersesuaian untuk masyarakat luar bandar menghadapi IR4.0. Ini adalah termasuk penyediaan kemudahan jalur lebar berkelajuan tinggi di kawasan luar bandar, terutamanya di premis-premis KPLB seperti Pusat Komuniti Desa.
7. Berkaitan dengan pengurangan jurang ekonomi di antara bandar dan luar bandar, KPLB turut memberi penekanan kepada pembangunan ekonomi luar bandar bagi mengurangkan jurang tersebut, yang merupakan salah satu matlamat utama di bawah DPLB.
8. Program-program pembangunan luar bandar yang dilaksanakan secara konsisten oleh pihak Kementerian seperti

NO. SOALAN : 105

Program Perumahan Rakyat Termiskin (PPRT), Program Latihan Kemahiran dan Kerjaya (PLKK), Program Peningkatan Pendapatan (PPP) serta program-program keusahawanan seperti dilihat dapat membantu meningkatkan pendapatan isi rumah penduduk di luar bandar.

9. Melalui pelaksanaan program-program ini, Kementerian berharap nisbah pendapatan antara bandar (RM7,671) dan luar bandar (RM4,359), di mana buat masa ini adalah pada nisbah 1: 0.57 dapat dikurangkan. Kementerian juga sedang meneliti program-program baharu untuk dilaksanakan di bawah Rancangan Malaysia Kedua Belas khusus untuk meningkatkan pendapatan penduduk luar bandar.